



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1847**

CXXV. Der Papst Bonifacius VIII. gibt dem Propste in Bernau auf, die dem Domcapitel in Brandenburg entfremdeten Güter demselben wieder zuzustellen, am 5. Dezember 1296.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

heredes nostrosque successores seu quemcunque vel quoscunque nostri, heredum et successorum nostrorum officiatum vel officiatos quomodolibet infringatur, presentem litteram ex certa nostra scientia conscriptam ecclesie Brandenburgensi sepe dicte dari fecimus, sigillorum nostrorum muniminibus roboratam. Testes hujus rei sunt Johannes de Oldenvlit, Haffo de Wedele, Albertus de Clepzk et quam plures alii fide digni. Actum et datum Prinzelaw, anno domini M<sup>o</sup>.CC<sup>o</sup>.LXXXVI, feria sexta post diem beati Michahelis.

Nach dem Originale.

**CXXIV.** Der Papsst Bonifacius VIII. bestätigt den Domherren zu Brandenburg das Recht, ihre erblichen Besitzthümer, auch als Domherrn, beizubehalten und nach ihrem Willen darüber zu verfügen, am 5. Dezember 1296.

Bonifacius episcopus, servus servorum dei, dilectis filiis preposito et capitulo ecclesie Brandenburgensis, Premonstratensis ordinis, salutem et apostolicam benedictionem. Devotionis vestre precibus inclinati auctoritate vobis presentium indulgemus, ut possessiones et alia bona mobilia et immobilia, que personas liberas canonicorum vestrorum, mundi relicta vanitate, ad ecclesiam vestram convolantium et professionem facientium, in eodem jure successionis vel alio justo titulo, si remansissent in seculo, contingissent, et que potuissent aliis elargiri, feudalibus duntaxat exceptis, petere, recipere ac retinere libere valeatis sine juris prejudicio alieni. Nulli ergo omnino hominum etc. Datum Rome, apud sanctum Petrum, non. Decembris, pontificatus nostri anno secundo.

Nach dem Originale.

**CXXV.** Der Papsst Bonifacius VIII. gibt dem Propste in Bernau auf, die dem Domcapitel in Brandenburg entfremdeten Güter demselben wieder zuzustellen, am 5. Dezember 1296.

Bonifacius episcopus, servus servorum dei, dilecto filio preposito ecclesie de Bernow, Brandenburgensis diocesis, salutem et apostolicam benedictionem. Ad audientiam nostram pervenit, quod tam dilecti filii, prepositus et capitulum ecclesie Brandenburgensis, Premonstratensis ordinis, quam predecesores eorum decimas, terras, domos, possessiones, ortos, vineas, grangias, prata, pascua, piscarias, silvas, maneria, nemora, molendina, jura, jurisdictiones et quedam alia bona ipsius ecclesie, datis super hoc litteris, factis renuntiationibus, juramentis interpositis et penis adjectis, in gravem ipsius ecclesie lesionem nonnullis clericis et laicis, aliquibus eorum ad vitam, quibusdam vero ad non modicum tempus et aliis perpetuo ad firmam vel sub censu annuo conceperunt, quorum aliqui super hiis confirmationis litteras in forma communi a sede apostolica impetrasse dicuntur; quia vero nostra interest super hoc de oportuno remedio providere, discretioni tue per apostolica scripta mandamus, quatinus ea, que de bonis ipsius ecclesie per concessionem hujusmodi alienata inveneris illicite vel distracta, non obstantibus litteris, renuntiationibus, juramentis, penis et confirmationibus supradictis, ad jus et proprietatem ejusdem ecclesie legitime revocare procures, contradictores per censuram ecclesiasticam, appellatione postposita, compescendo; testes autem, qui fuerint nominati, si se gratia, odio



vel timore subtraxerint, censura simili, appellatione cessante, compellas veritati testimonium perhibere, proviso, ne aliquis extra suam civitatem et dioecesim auctoritate presentium ad iudicium evocetur, nec procedatur in aliquo contra eum. Datum Rome, apud sanctum Petrum, non. Decembris, pontificatus nostri anno secundo.

Nach dem Original.

**CXXVI. Quittung des päpstlichen Notars in Rom, über die Kosten einer Abschrift des Prozesses des Domcapitels und des Leiskauer Klosters, wegen der Theilnahme an der Wahl des Bischofs, von 1. Mai 1297.**

In nomine domini. Amen. Anno nativitatis eiusdem millesimo ducentesimo nonagesimo septimo, indictione decima, die prima mensis Maji, pontificatus sanctissimi patris, domini Bonifacii, pape octavi anno tertio. Ego Leo, filius quondam magistri Bericierutti de Prato, notarius reverendi patris, domini Neapoleonis sancti Adriani diaconi cardinalis, confiteor per hoc publicum instrumentum, mea manum scriptum et signo meo et nomine roboratum, me recepisse et habuisse et mihi datos, traditos et numeratos fuisse a Johanne dicto de Storcowe, clerico Brandeburgensis dioecesis, et a magistro Angelo de Interrampnis, in Romana curia procuratore, dantibus et solventibus vice et nomine prepositi, capituli et ecclesie Brandeburgensis, quadraginta et sex florenos de auro boni, recti et iusti ponderis, quos quadraginta et sex florenos auri recepi a dictis magistro Angelo et Johanne pro copia registri totius cause, que causa olim vertebatur inter bone memorie dominum Ericum, quondam Magdeburgensem archiepiscopum, ex parte una et venerabiles viros dominum Thydericum prepositum Lizekenfem electum in episcopum Brandeburgensem et capitula Brandeburgensis et Lizekenfem ecclesiarum ex altera, et etiam pro copia attestationum testium omnium in causa ipsa receptorum coram prenominato domino cardinali. De quibus quadraginta et sex florenis de auro me bene quietum, pacatum et contentum teneo et renuncio exceptioni non solute, non numerate et mihi non tradite quantitatis pecunie supradicte et omni alio juris et legum auxilio et exceptioni et facio dictis magistro Angelo et Johanni et ipsis dominis preposito et capitulo Brandeburgensi de dictis XLVI. florenis de auro finem, quitationem et refutationem ac pactum de alterius non petendo in totum vel in partem, aliquo modo, causa vel ingenio, de jure vel de facto. Acta fuerunt hec Rome in hospitio venerabilis patris, domini Wolradi, dei gratia Brandeburgensis episcopi, presentibus ipso domino episcopo, domino Johanne, dicto Gotgemakeden, cantore Zuerinensis ecclesie, et domino Henrico, dicto Wacholt, plebano in Ghingest, Roskildensis dioecesis, testibus presentibus ad hec specialiter conuocatis.

Et nos Wolradus, dei gratia Brandeburgensis episcopus hoc presens publicum instrumentum, scriptum per magistrum Leonem notarium prenominati domini cardinalis in testimonium premissorum fecimus sigilli nostri munimine roborari. Datum Rome in hospitio nostro anno domini millesimo ducentesimo nonagesimo septimo, indictione X., die prima mensis Maji, pontificatus sanctissimi patris domini Bonifacii pape octavi anno tertio.

Et ego Leo notarius supradictus presens publicum instrumentum scripsi et meo consueto signo signavi et publicavi in testimonium premissorum.

Nach dem Original, Unvollständig abgedruckt in Gercken's Stiftsch. 497.